

102 öllu afgreitt að tollinum til á Raufarhöfn þar sem skipverjar urðu hans fyrst varir hjerum-
22 ágúst. bil mánuði seinna en tollafgreiðslan átti sjer stað og eptir að skipið var farið frá Rauf-
arhöfn, hafði komið við á Oddeyri og var komið á Kolbeinsárós, þá getur hinn um-
ræddi tollur eigi orðið endurgoldinn Gránuffelaginu.

Þessi úrslit málsins bið jeg yður tilkynna kaupstjóra Gránuffelagsins.

103 — Brjef landshöfðingja til stiptsyfirvaldanna um lán til jarðabóta handa Tjarnar-
25. ágúst. prestakalli á Vatnsnesi. — Samkvæmt beiðni prestsins á Tjörn á Vatnsnesi, sjera Jóns
St. Þorlákssonar, er fylgdi þóknanlegu brjefi yðar, háæruverðugi herra, frá 10. maí þ. á.,
hefi jeg veitt nefndu prestakalli 500 kr. lán úr viðlagasjóði til endurbóta á túni og
engjum prestssetursins þar, og ber að endurborga lán þetta með 4% vöxtum af tekjum
prestakallsins með $\frac{1}{10}$ á ári í 10 ár.

Þetta undanfelli jeg eigi hjermeð þjónustusamlega að tilkynna hinum heiðruðu
stiptsyfirvöldum til þóknanlegrar leiðbeiningar og birtingar fyrir ofanefndum presti, og
skal jeg um leið geta þess, að ef prestaskipti skyldu verða í brauðinu áður en lán það,
sem hjer er um að ræða, er að fullu endurborgað, ber að taka út jarðabætur þær, er
unnar hafa verið fyrir upphæð lánsins, eins og annað, er prestakallinu tilheyrir.

104

28. ágúst.

A n g l ý s i n g

fyrir sjófarendur.

Til leiðbeiningar sjófarendum verður frá 1. okt. 1884 ljósker yzt á Garðskaga í
Gullbringusýslu, er sýnir stöðugt hvítt ljós alla nóttina. Ljóskerið er á stöng, hjerumbil
34 fet yfir yfirborð sjávarins, og sjest ljósið hjerumbil 6 kvartmílur í björtu veðri.

Ljóskerið er undir $64^{\circ} 4' 30''$ norðlægur breiddar og $22^{\circ} 45' 0''$ vestlægur
lengdar frá Greenwich, og verður kveikt á því á ári hverju frá 1. okt. til 1. apríl.

Reykjavík 28. ágúst 1884.

Landshöfðinginn yfir Íslandi.

Bergur Thorberg.

105 — Brjef landshöfðingja til amtmannsins yfir norður- og austuramtinu um lán útaf
2. sept. fjárkláðanum. — Með brjefi þessu veitti landshöfðingi jafnaðarsjóði norður- og austur-
amtsins 2000 kr. bráðabirgða-lán úr viðlagasjóði til að standast kostnað þann, er leiddi
af ráðstöfunum þeim, er gjörðar hafi verið eða gjörðar kynnu að verða útaf fjárkláða
þeim, er gjört hafði vart við sig fyrir norðan og austan, og skyldu af láninu greiddir
4% í vöxtu árlega og það sjálft endurborgað með 500 kr. á ári.

106 — Brjef landshöfðingja til amtmannsins yfir vesturamtinu um skil til landssjóðs
3. sept. á smjörleigum úr Arnarstapa- og Skógarstrandarumboði. — Með þóknanlegu brjefi
dags. 27. f. m. hafið þjer, herra amtmaður, sent hingað erindi umboðsmanns Arnar-
stapa- og Skógarstrandarumboðs og jarðarinnar Hallbjarnareyrar, þar sem hann ber sig
upp undan því, hve örðugt og kostnaðarsamt það sje fyrir sig, að hlýðnast ákvörðuninni

í 3. gr. erindisbrjefs hans, þar sem honum er gjört að skyldu, að standa landssjóði skil á tekjum umboðsins í peningum eptir verðlagsskrár verði á þeim landaúrum, er leigulið-
 ar kunna að gjalda í, og sjerstaklega að því er snertir kúgildaleigur þær, sem honum
 ber að innheimta sem umboðsmanni og sem allar sjeu goldnar í smjöri, tekur það fram,
 hvílikt fjártjón það sje fyrir sig, að verða að svara til þeirra eptir verðlagsskrárverði á
 smjöri, þóað gangverð smjörsins, eins og eigi sjer stað nú í haust, sje lægra en verð-
 lagsskrárverð þess. Hefur hann þess vegna farið þess á leit, að sjer verði leyft annað-
 hvort í eitt skipti fyrir öll eða að minnsta kosti í haust, að selja við uppboð allt það
 leignasmjör, sem gelzt eptir umboðsjarðirnar, þannig að hann ekki svari til herra verðs
 á smjörinu, en uppboðsandvirðisins.

Útaf þessu skal yður hjermeð þjónustusamlega til vitundar gefið, til þóknan-
 legrar leiðbeiningar og birtingar fyrir ofannefndum umboðsmanni, að með því að leigu-
 liðar á þjóðjörðum, sem fengið hafa byggingu eptir að ráðgjafabrjef 25. maí 1880 kom
 út, eiga að vera skyldir til að greiða leigurnar eptir meðalverði allra meðalverða eða
 eptir *verði* á smjöri eins og það er sett í verðlagsskránni, þá verður það að vera skaði
 umboðsmannsins, ef hann hjer tekur við leigunum í smjöri án uppþótar, þóað gang-
 verð þess sje lægra en verðlagsskrárverðið. En þar sem leiguliðar aptur, eins og á sjer
 stað eptir eldri byggingarbrjefum, hafa rjett til að gjalda kúgildaleigurnar í smjöri, gæti
 það orðið ósanngjarnt, að umboðsmaður væri látinn svara til þeirra eptir smjörverði
 verðlagsskrárinnar, þegar það er herra en gangverð smjörsins, og vil jeg þess vegna
 veita samþykki mitt til þess, að það leignasmjör, sem gelzt í haust frá þeim umboðs-
 jörðum, sem þannig eru byggðar, verði selt við opinbert uppboð, og landssjóði aðeins
 staðið skil á uppboðsandvirði smjörsins.

— Brjef landshöfðingja til póstmeistarans um flutning póstsendinga frá pósta-
 greiðslustaðnum Höfða til Seyðisfjarðar eða Eskifjarðar. — Með því að sú breyting
 er á komin frá því sem áður var í ferðaáætlun þeirri fyrir landpóstana, er út var gef-
 in 27. f. m., að pósturinn frá Grímsstöðum til Seyðisfjarðar og pósturinn frá Bjarna-
 nesi til Eskifjarðar mega nú á leiðinni til þessara staða fara til endastöðva póstleiðanna
 án þess að bíða hvor eptir öðrum á Höfða, einsog verið hefir hingaðtil, og það því
 getur komið fyrir, einkanlega að sendingar, sem koma frá Bjarnanesi og eiga að fara
 til Seyðisfjarðar, en einnig að sendingar sem koma frá Grímsstöðum og eiga að fara
 til Eskifjarðar verði að liggja lengi á Höfða, ef ekki vill svo til, að báðir póstarnir,
 Seyðisfjarðarpóstur og Eskifjarðarpóstur mætist þar, þá vil jeg hjermeð samkvæmt til-
 lögu yðar, herra póstmeistari, í þóknanlegu brjefi dags. í gær, veita samþykki mitt til
 þess, að póstafrgreiðslumanninum á Höfða sje gefin heimild til að kosta ferð ofan á
 Seyðisfjörð eða Eskifjörð með sendingar þær, er kynnu að koma til þessarar póstafrgreiðslu
 með þeim af nefndum tveim aðalpóstum, sem seinna kæmi að Höfða, þó svo, að gætt
 sje allrar sparneytni til þessara sendiferða og má paraðauki ekki senda með þeim pen-
 ingasendingar eða ábyrgðarsendingar, nema úppá ábyrgð póstafrgreiðslumannsins á Höfða
 sjálfs eða sendanda, þegar hann með utanáskript á sendinguna óskar þess, að hún sje
 send þannig úppá sína ábyrgð.

Þetta tilkynnist yður hjermeð til þóknanlegrar leiðbeiningar og frekari ráð-
 stöfunar.